



**Comunu de Quartu Sant'Aleni**  
**Tzitadi Metropolitana de Casteddu**

**DELIBERATZIONI DE SU CONSILLU COMUNALI**

**Nùmeru 06 de su 13/02/2024**

**Ogetu: Dèpidus a foras de su bilàntziu – ex art. 194, c. 1, lit. A) D.Lgs. 267/2000 po mori de Sentèntzia de sa Corti de Giustìtzia Tributària de segundu gradu n. 2/2024 - RGA 781/2018 - SIGHIENTU SRL c/ Comunu de Quartu Sant'Aleni - Arreconnoscimentu.**

S'annu 2024, su 13 de su mesi de Friaxu, a ora de is 12.07 in Quartu Sant'Aleni, in sa sala de su Consillu, cunvocau cunforma a sa lei, s' est atobiau su Consillu Comunali. Funt presentis is sennoris:

MURGIONI Rita	Eja	PANI Antonio	Eja
AMORE Francesco	Eja	PAU Massimo	Eja
ANGIUS Romina	Eja	PERRA Laura Savina	Eja
BUSONERA Stefano	Eja	PILUDU Francesco	Eja
CADONI Barbara	Eja	PIRAS Valeria	
CAREDDA Francesco	Eja		
CARRERAS Mauro	Eja	PISANO Michele	Eja
DEL ZOMPO Marina	Eja	SARRITZU Martino	No
DELIGIOS Luisella	Eja	STEVELLI Christian	Eja
DELOGU Maria Paola	Eja	TOCCO Franco	Eja
DEMURTAS Anna Maria	Eja		
DEMURTAS Maria Antonietta	Eja	TOLU Ignazio	Eja
DESSI' Alfredo	Eja	TORRU Lucio	Eja
GIUA Maria Assunta Caterina	Eja	USALLA Elisa	Eja
LIGAS Mauro	Eja		
MILIA Graziano Ernesto	Eja		
NAITANA Vincenzo	Eja		

Presentis: 28 Ausentis: 1

Pigat parti a sa setziada su Segretàriu Generali Maggio Paolo. Ndi liat sa presidèntzia Murgioni Rita.

**SA PRESIDENTI DE SU CONSILLU COMUNALI**  
**RITA MURGIONI**

Sighendi sa setziada presentat su puntu in s'agenda de is traballus po sa dii: “Dèpidu foras de su Bilàntziu ex art. 194, c. 1, lit. A) D.Lgs. 267/2000 po mori de Sentèntzia de sa Corti de Giustìtzia Tributària de segundu gradu n. 2/2024 - RGA 781/2018 - SIGHIENTU SRL c/ Comunu de Quartu Sant'Aleni – Arreconnoscimentu”;

Cunsiderau chi no ddoi funt interventus, si sighit cun sa votatzioni de sa proposta in chistioni cun sistema eletrònicu, cun s'èsitu afatanti:

Presentis: n. 28;

Ausentis: n. 1 (Martino Sarritzu);

Votantis: n. 18

Votus a favori: 18;

Si ndi funt aostaus: n. 10 (Romina Angius, Barbara Cadoni, Francesco Caredda, Maria Paola Delogu, Antonio Pani, Laura Savina Perra, Francesco Piludu, Michele Pisano, Christian Stevelli, Lucio Torru);

Su Presidenti decrarat s'aprovatzioni de sa proposta de deliberatzioni: “Dèpidu Foras de su Bilàntziu ex art. 194, c. 1, lit. A) D.Lgs. 267/2000 po mori de Sentèntzia de sa Corti de Giustìtzia Tributària de segundu gradu n. 2/2024 - RGA 781/2018 - SIGHIENTU SRL c/ Comunu de Quartu Sant'Aleni – Arreconnoscimentu”;

Si votat s'executivadi, cun sistema eletrònicu:

Presentis: n. 28;

Ausentis: n. 1 (Martino Sarritzu);

Votantis: n. 18

Votus a favori: 18;

Si ndi funt aostaus: n. 10 (Romina Angius, Barbara Cadoni, Francesco Caredda, Maria Paola Delogu, Antonio Pani, Laura Savina Perra, Francesco Piludu, Michele Pisano, Christian Stevelli, Lucio Torru);

Su Presidenti decrarat sa deliberatzioni esecutiva;

**Su Consillu Comunali**

**Bida** sa proposta de deliberatzioni n. 5/2024 firmada de su Dirigenti de su Setori 5 – Afàrius Generalis – Òrganus Istitutzionalis – Servìtzius Demogràficus - URP, incarrigau cun Decretu Sindacali n. 28 de su 27/12/2023, chi narat:

*“**Postu chi** s’art. 194, c. 1, lit. A) de su T.U. In contu de ordinamentu de is entis localis, aprovau cun D.Lgs. 267/2000, at stabiliu, cun deliberatzioni de su consillu, cun is tempus e is scadèntzias stabiilius de su regulamentu de contabilidadi e assumancu una borta a s'annu, su Consillu Comunali arreconnoscit sa legitimidadi de is dèpidus a foras de su bilàntziu ocasionaus de sentèntzias esecutivas;*

***Cunsideraus** is “finalidadis e is printzìpius contàbilis de is Entis Localis” in su testu aprovau su 12 de su mesi de martzu 2008 de s’Osservatòriu po sa finàntzia e sa contabilidadi de is Entis Localis de su*

Ministeru de s'Internu chi in su printzìpiu contàbili n.2 "Gestioni in su sistema de su Bilàntziu" cun riferimentu a is dèpidus foras de su bilàntziu, e pruschetotu a is chi ndi benint de sentèntzia, narat:

- **Printzìpiu 101** – In s'in casu de dèpidus ocasionaus de sentèntzia esecutiva su sinnificau de su provedimentu de su Consillu no est cuddu de arreconnosci una legitimidadi de su dèpidu chi gai s'agatat, ma de torrai a su sistema de bilàntziu unu fenòmenu de rilevàntzia finantziària chi est crèsciu foras de custu;

**Pigau atu** de sa sentèntzia de sa Corti de Giustìtzia Tributària de segundu Gradu de Casteddu N. 2/2024 – pronunziata cunforma a s'arrecursu in apellu RG 781/2018 (in is atus de s'ufitziu), presentau de SIGHIENTU s.r.l cun su patrotzìniu de su cumertzialista Su Dotori Giovanni Domenico Pinna, c/ su Comunu de Quartu S.A. po impunnatzioni sentèntzia in primu gradu N. 596/1/18 de sa Cum. Provintziali de CASTEDDU - INGIUNTZIONI PAGAMENTU n° 685 Imp.:

I.C.I.2009 innui su Giugi:

- 1. Arricit a manera partziali s'apellu ...omissis...;
- 2. licuidat is gastus de su pretu de primu gradu de giudìtziu, a càrrigu de su Comunu de Quartu Sant'Aleni a favori de sa sotziedadi SIGHIENTU s.r.l., po una suma de èurus 2.620,50 (duamilla e sescentus binti/50), cun in prus i sgastus generalis a su 15%, Càscia Previdèntzia e IVA cunforma a sa lei, cun in prus àterus gastus che a su contributu unificau de 120,00 (centubinti/00);
- 3. Cundennat su Comunu de Quartu Sant'Aleni a su pagamentu de is gastus de pretu a favori de chini s'est apellendi, po su segundu gradu de giudìtziu, po una suma totali de 2.036,00 (duamilla e trintases/00), cun in prus is gastus generalis a su 15%, Càscia Previdèntzia e IVA cunforma a sa lei, paris cun su contributu unificau de 120,00 (centubinti/00);

**Bida** sa comunicatzioni de su dotori Giovanni Domenico Pinna defensori de sa parti contras, intregada cun PEC 12/01/2024 cun sa cali at pediu su pagamentu a favori de chini est assistendi in giudìtziu, de is sumas stabilidas cun sa sentèntzia arremonada e intregau finas is documentus pro forma e is coordinadas de sa banca de su contu currenti innui nci fai su pagamentu;

**Ca** sa suma totali chi bolit arreconnota comenti a dèpidu a foras de su bilàntziu a favori de sa sotziedadi SIGHIENTU s.r.l., arresurtat de € 7.034,40 (setimilla e trintacuàturu/40) gastus, atzessòrius e contributus unificaus includus;

**Ca** sa giurisprudèntzia de sa Corti de is contus nd'at fatu bessiri a pillu sa diversidadi intra de su dèpidu ocasionau de sentèntzias esecutivas e is àteras previdias de s'art. 194 Testu Ùnicu Entis Localis (d. lgs. 267/2000), cunsiderendi chi candu ddoi at sentèntzia esecutiva de cundenna su Consillu comunali no tenit discrezionalità peruna, ca s'entidadi de su pagamentu est stabilida in sa misura inditada de su provedimentu de s'autoridadi giuditziària;

**Postu chi** su Consillu Comunali cun Deliberatzioni n. 116 de su 19.12.2023 at aprovau su Bilàntziu Finantziàriu de Previsioni 2024/2026;

**Cunsiderau** chi s'art. 23 c. 5 de sa Lei n.289/2002 disponit chi: "Is provedimentus de arreconnoscimentu de dèpidu fatus de is aministrazionis pùblicas cunforma a s'articulu 1, c. 2, de su decretu legislativu 30 de martzu 2001, n. 165, ddus trasmitint a is òrganus de averiguamentu e a sa procura de sa Corti de is contus";

**Arriciu**, cunforma a is Artìculus 49 e 147bis de su D.Lgs. n. 267/2000, parri a favori in contu de regularidadi tècnica espressau de su Dirigenti de su Setori 5 – Afàrius Generalis – Òrganus Istitutzionalis - Servìtzius Demogràficus - URP, in prus cunforma a s'art. 49, c. 1, de su D.Lgs

267/2000, su parri a favori de regularidadi contàbili de parti de su Dirigenti de su Setori 2 – Programatzioni Econòmicu Finanziària – Controllu de Gestioni – Controllu Partetzipadas;

**Arriciu**, cun verbali n. 5/2024 de su 30/01/2024, parri a favori de su Collègiu de is Revisoris de is Contus cunforma a s'art. 239, c. 1, lit. b) p.6), de su D.Lgs. 18.08.2000 n. 267, prot. n. 9983 de su 01/02/2024;

**Arriciu** parri a favori de parti de su Segretàriu Generali cunforma a s'art. 97 c. 2 de su D.Lgs n. 267/00, de su T.U.E.L. 267/2000 e de s'art. 4, c. 4, de su Regulamentu Comunali asuba de is Controllus Internus;

**Bius:**

- su Decretu Legislativu 18 de austu 2000 n.267 cun su T.U. de is leis in contu de s'Ordinamentu de is Entis Localis;
- su D.Lgs. n. 118/2011;
- su Statutu comunali;
- su Regulamentu de su Consillu Comunali;
- su Regulamentu in contu de s'Ordinamentu de is Ufitzius e de is Servìtzius.

**Bius:**

- su PIAO annus 2024/2026;
- su DPR n. 62/2013 – Còdixi de cumportamentu de is dependentis pùblicos;

**DELÌBERAT**

**De arreconosci** che a dèpidu a foras de su bilàntziu, cunforma a s'art. 194, c. 1, lit. A) de su D.Lgs. n. 267/2000, po mori de sa sentèntzia de sa Corti De Giustìtzia Tributària de segundu gradu de Casteddu N. 2/2024 – pronunziata po s' arrecursu RG 781/2018, a favori de SIGHIENTU s.r.l, sa suma de € 7.034,40 (setimilla e trintacuàturu/40) cun gastus, atzessòrius e contributus unificaus;

**De impinnai** su gastu totali de € 7.034,40 (setimilla e trintacuàturu/40) gastus, atzessòrius e contributus unificaus, a favori de SIGHIENTU s.r.l, assentau in su capitulu 12030: "*Dèpidus a Foras de su Bilàntziu lit. A)*" de su bilàntziu 2024, tzentru de costu 16.30.00006, finantziau cun intradas currentis;

**De trasmiti** una còpia de custa deliberatzioni:

- a su Collègiu de is Revisoris de is Contus;
- a su Responsàbili de su Setori;

**De donai atu** chi s'Ufitziu Segreteria, at a intregai una còpia de custa deliberatzioni a sa Procura de sa Corti de is Contus - Setzioni giurisditzionali po sa Sardìnnia, cunforma a s'art. 23, c. 5, de sa lei n. 289/2002;

**De decrarai** chi custa deliberatzioni est esecutiva luegus etotu, cunforma a s'art. 134, c. 4, de su d.lgs.vu 18 de austu 2000, n. 267.